

Na osnovu člana 35. i 69. Statuta Općine Stari Grad – Prečišćeni tekst („Službene novine Kantona Sarajevo“, br.20/13) i Odluke o izvršavanju Budžeta Općine Stari Grad Sarajevo, za 2018. godinu Općinski Načelnik Općine Stari Grad Sarajevo, raspisuje

JAVNI POZIV

za raspodjelu sredstava za finansiranje rada
boračkih udruženja za 2018. godinu

I

Raspisuje se Javni poziv za raspodjelu sredstava za finansiranje rada boračkih udruženja sa ekonomskog koda 614300, na razdjelu Jedinostveni općinski organ u Budžetu Općine za 2018. godinu. Ukupna sredstva za raspodjelu za ovu namjenu su u iznosu od 100.000,00 KM.

II

Na Javni poziv mogu se prijaviti općinska boračka udruženja registrovana u skladu sa Zakonom o udruženjima i fondacijama („Službene novine FBiH“, broj 45/02), a koja imaju sjedište na području općine Stari Grad Sarajevo.

III

Boračka udruženja iz tačke II Javnog poziva podnose prijavu na Javni poziv Komisiji za pitanja boraca i žrtava rata Općinskog vijeća Stari Grad Sarajevo putem Službe za boračko – invalidsku i socijalnu zaštitu.

Prijava sadrži:

- Obrazac za aplikaciju
- Rješenje o registraciji u Ministarstvu pravde
- Program rada za narednu godinu
- Finansijski plan za narednu godinu
- Izvještaj o radu za proteklu godinu
- Finansijski izvještaj sa obrazloženjem
- Realizirani program - projekti iz prethodne godine

IV

Kriteriji za ocjenu podnesenih prijava su kriteriji navedeni u Odluci o jedinstvenim kriterijima za raspodjelu sredstava obezbjeđenih u budžetu Općine Stari Grad Sarajevo za finansiranje rada boračkih udruženja (Sl. novine Kantona Sarajevo br. 3/15).

Opći kriteriji:

- Registriranost kod Ministarstva pravde Kantona Sarajevo
- Usvojeni izvještaj o radu Udruženja za prethodnu godinu od strane Skupštine Udruženja
- Usvojeni finansijski izvještaj za prethodnu godinu od strane Skupštine Udruženja za utrošena budžetska sredstva i sredstva iz drugih izvora kojima se finansira Udruženje
- Realizovani i započeti projekti iz prethodne godine
- Program rada za narednu godinu sa obrazloženjem
- Finansijski plan za narednu godinu
- Osnovne aktivnosti Udruženja
- Inovativnost u rješavanju potreba članstva
- Da ni po kojem osnovu nemaju dugovanja prema Općini

Posebni kriteriji:

- Organiziranost i broj članova Udruženja
- Opravdanost broja uposlenih u Udruženju u odnosu na broj članova
- Broj realizovanih projekata, iz opusa dodijeljenih sredstava za finansiranje redovnog rada Udruženja u predhodnoj godini
- Aktivnost udruženja u očuvanju sjećanja na 1992-1995. i 1941-1945. godinu
- Namjensko korištenje sredstava u skladu sa ovom Odlukom
- Saradnja i pomoć drugim Udruženjima

V

Proceduru odobravanja sredstava boračkim udruženjima iz tačke I provodi općinska Komisija za pitanje boraca i žrtava rata u skladu sa Odlukom i usvojenim kriterijima iz tačke IV Javnog poziva.

VI

Sva udruženja zainteresovana za učešće na Javnom pozivu obavezna su dostaviti navedenu dokumentaciju iz tačke III - Prijava zajedno sa obrascem za aplikaciju.

Obrazac se može preuzeti u Službi za boračko - invalidsku i socijalnu zaštitu Općine Stari Grad Sarajevo ili na zvaničnoj stranici Općine (www.starigrad.ba). Prijave se predaju na protokolu Općine Stari Grad Sarajevo lično ili putem pošte na adresu: Općina Stari Grad Sarajevo, Služba za boračko-invalidsku i socijalnu zaštitu, ul. Zelenih beretki br. 4, sa naznakom „finansiranje rada boračkih udruženja za 2018. godinu“.

VII

Rok za podnošenje prijava po Javnom pozivu je 15 dana od objavljivanja u sredstvima javnog informisanja (dnevne novine i web stranica Općine Stari Grad Sarajevo). Nepotpune i neblagovremene prijave neće se razmatrati.

Dodatne napomene:

Sve informacije u vezi sa učešćem na Javnom pozivu mogu se dobiti putem telefona: 033/282-397

Broj: 08-41-13-36/18
Sarajevo, 20.02.2018. godine

OPĆINSKI NAČELNIK

mr.Ibrahim Hadžibajrić